

**PENANGGUHAN BAYARAN CUKAI KEPADA PEMBAYAR CUKAI  
DAN / ATAU MAJIKAN YANG TERJEJAS DENGAN BENCANA BANJIR**

Bencana banjir yang telah melanda beberapa kawasan di Semenanjung Malaysia baru-baru ini telah memberi kesan kepada liabiliti serta obligasi pembayar cukai dan / atau majikan untuk membuat bayaran cukai dalam tempoh yang ditetapkan termasuklah bayaran anggaran cukai, ansuran cukai sama ada di peringkat siasatan, audit, pungutan dan guaman sivil serta bayaran Potongan Cukai Bulanan (PCB) pekerja.

Atas dasar keprihatinan Lembaga Hasil Dalam Negeri Malaysia (HASiL) terhadap pembayar cukai dan / atau majikan yang terjejas akibat bencana banjir ini, penangguhan bayaran cukai adalah dibenarkan seperti yang berikut:

- 1.1 Tarikh akhir bayaran anggaran cukai kena dibayar (CP204) bagi bulan Disember 2021 dilanjutkan sehingga 31 Januari 2022;
- 1.2 Bayaran ansuran siasatan / audit / pungutan / guaman sivil bagi bulan Januari 2022 ditangguhkan sehingga bulan Februari 2022;

- 1.3 Tarikh akhir bayaran PCB dan / atau CP38 pekerja bagi bulan saraan Disember 2021 dilanjutkan untuk diremit sehingga 31 Januari 2022; dan
- 1.4 Bayaran baki cukai dibenarkan penangguhan sehingga ke suatu tempoh yang dimohon oleh pembayar cukai.

Pembayar cukai dan / atau majikan yang terjejas perlu mengemukakan permohonan penangguhan bayaran cukai ini kepada HASiL melalui kaedah seperti yang berikut:

Bil	Perkara	Pengemukakan
1	1.1	Melalui e-mel kepada <a href="mailto:anggarancukai@HASIL.GOV.MY">anggarancukai@HASIL.GOV.MY</a>
2	1.2, 1.3 dan 1.4	Melalui Borang Maklum Balas yang boleh dicapai di portal rasmi HASiL atau melalui pautan berikut: <a href="https://borangmaklumbalas.hasil.gov.my/Submission/Submission/?id=5001#/create/1">https://borangmaklumbalas.hasil.gov.my/Submission/Submission/?id=5001#/create/1</a>

Dokumen yang perlu dikemukakan bagi menyokong permohonan tersebut adalah berdasarkan kepada merit kes.

Sebarang pertanyaan serta maklum balas berkaitan boleh dimajukan kepada HASiL melalui:

- a) Hasil Care Line di talian 03-8911 1000 / 603-8911 1100 (Luar Negara);
- b) HASiL Live Chat; dan
- c) Borang Maklum Balas di portal rasmi LHDNM di pautan pantas

<https://maklumbalaspelanggan.hasil.gov.my/MaklumBalas/ms-my/>.

# # #

**SEKIAN, TERIMA KASIH**



---

**Dikeluarkan Oleh:**

**Bahagian Komunikasi | Pejabat Ketua Pegawai Eksekutif  
Lembaga Hasil Dalam Negeri Malaysia**

Hasil Care Line : 03-8911 1000 / 603-8911 1100 (luar negara)

Hasil Recovery Call Centre: 03-8751 1000

Portal Rasmi : [www.hasil.gov.my](http://www.hasil.gov.my)

**Tarikh: 28 Disember 2021**

